



UNIVERSITÄTS-  
BIBLIOTHEK  
PADERBORN

**Jus Canonicvm R.P. Pavli Laymanni, Soc: Jesu Theologi, Et  
Olim In Alma Et Episcopali Academia Dilingana SS.  
Canonum Ordinarii Professoris**

**Laymann, Paul**

**Dilingæ, 1666**

Capitvlm VIII. Constitutus.

---

[urn:nbn:de:hbz:466:1-62559](https://nbn-resolving.de/urn:nbn:de:hbz:466:1-62559)

se instructionem exhibendam Bracharenſi Ecclesiæ periuierunt, exhibentes ſuper hoc mandatum speciale. Id verò Pontifex uisque ad octauam Pentecostes concedendum eſſe iudicauit.

## S V M M A R I V M.

1. *Termini iudiciales etiam Ecclesiæ & Minores ligant, ita ut neque hi, neque illæ post peremptorium audiatur, conceditur tamen illis restitutio in integrum.*
2. *Procurator hic Monasterij ad petendam restitutionem, videtur indiguisse mandato speciali.*

**N**O T A N D V M I. Termini, ſeu præſcriptiones iudiciales conſtringunt etiam Ecclesiæ, ac Minores, vt poſt elapsum tempus audiendi non ſint. Sed conceditur eis restitutio in integrum. Ita etiam ſumitur ex I. 1. C. ſi ſæpius restitutio, &c. &c. vlt. hoc tit. quibus locis habetur, quod Minor, vel Ecclesia ſi intra decendium contra ſententiam non appellauit, per in integrum reſtitutionem adiuuanda ſit.

Neque his obſtat. ylt. C. In quibus cauſis in integrum restitutio, ybi dicitur; Quod præſcriptiones temporales (excepta xxx. vel xl. annorum) ipſo iure non currant contra Minores. Nam illa non loquitur de præscriptionibus ſeu terminis iudicialibus, in quibus id ſpeciale ceneri debet, quod currant contra omnes, ſicuti notauit Bartol. in I. 1. C. ſi ſæpius in integrum, &c. Hostiensis & Abb. c. vlt. n. 1. hoc tit.

**N**O T A N D V M II. Si quis ad certum terminum in cauſa inſtructus comparere debuit; procuratori nouæ induciæ ordinariè non conceduntur. De hoc dixi ſuprà in c. dilectus, 11. de procurator.

Disputat hic Gl. ver. mandatum, vtrum Procurator Monasterij ad petendam reſtitutionem in integrum indiguerit mandato ſpeciali. Videtur affirmandum ex hoc tex- tu, & l. illud, 25. §. Si talis, ff. de Minoribus. Sed contra eſt, quod tradit Gl. communiter

recepta in c. præced. ver. poſtulauit; Quod Procurator (intellige ſimplicem, vt excluamus tutores, & ſimiles administratores, qui à iure potestatem habent) non audiatur ſine mandato ſpeciali, ſi reſtitutionem petat principaliter, ſectis, ſi incidenter. In cauſa autem huius e incidenter petebatur reſtitutio ſuper termino peremptorio: Ergo ſufficiebat Procuratori mandatum generale ad cauſam prosequendam. Duobus modis responderi potheſt cum Hostiensi apud Ioan. Andream hic n. 5. & c. præced. n. 6. Primò, Narrari hic factum, quod Procurator ad hanc cauſam habuerit mandatum ſpeciali, ſaltem generaliter ipſi datum, vt petitionem in integrum petere poſſet. Secundò, Quod fortal- le interlocutoria illa ſententia elapſo decen- dio tranſierit in rem iudicatam, c. cùm dile- ctus, 32. in fine, de elect. Nam ex eo tempo- re procurator etiam cōtra interlocutoriam, ſicuti contra definitiū ſententiam non admittitur ad petendam reſtitutionem abſque mandato ſpeciali. Rationem dat Gl. in c. præced. ver. poſtulauit: Quia reſtitutio in integrum contra ſententiam dari plerumque ſolēt loco appellationis: quemadmodum ita que intra decendium poſt latam ſententiam definitiū, aut interlocutoriam appelle debet Procurator, c. penult. de Procurat. ita & reſtitutionem in integrum petere: Cū enim hoc cauſe connexum ſit, vñ cum cauſa committi censetur. Videri etiam potheſt Abb. in cit. c. præced. n. 5.

## C A P I T U L U M VIII.

## Conſtitutus.

## P A R A P H R A S I S.

Quidam coniuges Guilielmus & Anna qual- dam poſſeſſiones habebant communes (videl. ipſis communiter donatas, aut ex communi pecunia emptas) mortuā An- nā, Guilielmus poſſeſſiones illas vendere volens emancipauit duos ex eadem Anna natos Guilielmum & Ignatium, vi vendi- tioni conſenſum p̄abere poſſent. Poit fa- tam

stam venditionem, fratres illi supplicarunt Gregorio IX. Pontifici, ut vel contractum illum irritum declararet; vel (cum adhuc existant intra tempus ad petendam restitutionem in integrum iure indultam) tum quoad partem ex materna hereditate ad se pertinentem; tum quoad alteram partem, quam iuxta municipalem consuetudinem tanquam proximi consanguinei intra diem & annum, oblatio eodem pretio retrahere potuissent, sed facere omiserunt, in integrum restituissentur, quandoquidem in utroque horum grauiter laes fuerunt. His relatis mandat Papa. Si ea vera sint, ut dicta venditio, quoad partem eam, quae dictos fratres contingit, irrita pronuntietur, si debitis iuriis solemnitatibus destituta fuerat; sin autem debita solemnitas interuenerit, sed eos laesos esse constiterit, tum super sua, quam super paterna portione, Apostolica auctoritate in integrum restituantur; dummodo pretium, ut promittunt, emptori vel heredibus eius refundant.

## S V M M A R I V M.

1. Pater licet habeat usum fructum & administrationem bonorum maternorum, quae filii in potestate sua constitutis obuenerunt; non potest tamen ea alienare, etiam consentientibus filiis.
2. Irrita est alienatio immobilium facta à Minore sine debita solemnitate, scilicet in dictis auctoritate, & si facta est, rem alienaram Minor per viam nullitatis repetere, vel in dubio de nullitate contractis, per viam restitutionis in integrum iuuari potest.
3. Statuta municipalia favorabilia generaliter pro communitate lata etiam clericos comprehendunt.
4. Minoribus & Ecclesiis per restitutionem in integrum succurritur, sive laesi sint in damno, sive in lucro cessante.

**N**O T A N D V M I. Licet pater habeat usum fructum & administrationem bonorum maternorum, quae filii in potestate

sua constitutis obuenerunt, l. i. C. de bonis maternis; non potest tamen ea alienare, etiam consentientibus filiis, vti ex hoc c. colligitur, & habetur in cit. l. i. & l. 2. C. eod. l. quæcumque, 4. C. de bonis quæ liberis. Ob hanc itaque causam Guilielmus filios suos emancipauit, vt eorum bona, ipsi simet consensum præbentibus, alienari possent. Ita Gl. hic ver. eosdem, Ionoc. n. 1. & videri potest Imola n. 3.

**N**O T A N D V M II. Si Minor sine debita solemnitate, videlicet iudicis auctoritate non interueniente, bona immobilia alienet, irrita est alienatio, l. cum emancipatis, 3. l. non solùm, 4. C. de prædijs Minorum, & dixi lib. 2. tr. 4. c. 1. n. 2. Quare tali casu Minor rem alienatam repetere potest per viam nullitatis, ut restitutioni in integrum locus esse non debeat, iuxta l. in causæ, 16. ff. de Minoribus; vbi dicitur, si communis actionis auxilio, seu vero iure ciuili rem alienatam Minor recuperare possit, non tribui ei extraordinarium Prætoris auxilium. Sin verò dubitet de nullitate contractus, tunc alternatum libellum porrigeret nō prohibetur (secundum doctrinam Innoc. h̄c, n. 2. Abb. n. 9.) videlicet ut vel contractus pronuntietur nullus; aut si vero iure valuit, in integrum restituatur. Etenim, licet possessiones Minoris aut Ecclesiæ omni adhibita solemnitate, etiam cum Superioris seu iudicis decreto alienatae sint, si tamen laesio grauis interuenit, concedenda est in integrum restitutio, l. si quidem 11. C. de prædijs Minorum.

**N**O T A N D V M III. Statuta municipalia, quæ non onus, sed potius fauorem continent, si generaliter pro communitate lata sint, comprehendunt etiam clericos; cum & ipsi Reipubl. membra sint. Ita sumitur ex hoc c. & dixi de hac re in c. Ecclesia, 10. de Constit. & tradit Abb. h̄c, n. 3. Imola n. 6.

**N**O T A N D V M IV. Minoribus, ac pariter Ecclesiis, per restitutionem in integrum subuenitur, non tantum si laesi sint in damno, sed etiam in lucro cessante. Ita docuit lib. 2. tract. 4. c. 1. n. 2. & sumitur ex hoc textu: cum enim fratres hi in duabus laesi essent; & quoad suam prædiorum portionem,

M m m m                          quam

quam cum proprio detrimēto vendiderant;  
& quoad portionem patris, quam cum lu-  
cro suo intra annum retrahere poterant, &  
intermisserunt; super vtroque restitutionem  
in integrum à Papa impetrarunt.

Porrò de gentilitio retractu, seu facultate  
possessiones venditas intra certum tempus  
iure proximæ consanguinitatis ad se reuo-  
candi, oblatu eodem pretio, dixi lib. 3. tr. 4.  
c. 17. §. 6.

## CAPITVLVM IX.

## Causa.

## PARAPHRASIS.

Restitutio in integrum peti debet à Iudici-  
bus ordinarijs administrationem haben-  
tibus, vel ab eorum delegatis, siue causa  
restitutionis ipsis specialiter delegata sit,  
siue ea in commissam controueriam in-  
cidenter veniat. At verò delegati à Iudici-  
bus ordinarijs, qui non administratio-  
nem, sed simplicem iurisdictionem ha-  
bent, sicuti & arbitri, de causa restitu-  
tionis cognoscere non possunt, nisi inciden-  
ter. Similia habentur in l. vlt. C. Vbi & a-  
pud quem.

## S V M M A R I V M.

1. *Iurisdictio alia est ordinaria, alia dele-  
gata. Ordinaria vel confertur cum ad-  
ministracione rerum, aut iurium in ter-  
ritorio, & continet merum vel mixtum  
imperium, vel sine tali administratio-  
ne, & dicitur simplex iurisdictio.*  
*Habens ordinariam delegationem delega-  
re potest, non item habens tantum dele-  
gatum, nisi sit delegatus Principis.*
2. *Habens ordinariam iurisdictionem cum  
administratione in integrum restituere  
potest.*
3. *Idem possunt delegati ad uniuersitatem  
causarum, si cum administracione in a-  
liquo territorio constituti sunt.*
4. *Solus Princeps aliquem restituere potest  
aduersus sententiam sui delegati.*

5. *Habens simplicem ordinariam iuri-  
sictionem, de causa restitutionis in mu-  
grum cognoscere non potest.*
6. *Index delegatus non potest in integrum  
restituere principaliter, nisi sex speciali  
commissione data ab habente merum &  
mixtum imperium.*
7. *Habens iurisdictionem quamcumq[ue] etiam  
tanum delegatam, potest incidenter  
causa cognita in integrum restituere.*
8. *Arbitri non potest restituere in integrum,  
potest tamen incidenter questionem re-  
stitutionis huius decidere, an restitu-  
à iudice sit petenda, necne.*
9. *Arbitri in causa matrimoniali, vel li-  
bertatem concerne, vel criminali as-  
sumi non potest.*
10. *Cause, que à maioriis iudicibus expe-  
diri debent, ut matrimoniales, crimi-  
nales criminaliter intentatae, & que-  
cunque Iudicis officio nobili excentur,  
arbitris commiti non possunt.*

Pro intellectu aduerte; Quod iurisdictione  
alia ordinaria est, & alia delegata. Iuri-  
sictione ordinaria duplex est. Vel enim conser-  
tur cum administracione rerum, aut iurium  
in territorio aliquo, & continet merum, aut  
mixtum imperium. Vel sine administratio-  
ne mera in territorio iudicandi potestas con-  
seretur, & dicitur simplex iurisdictio. Porrò  
quicunque ordinaria iurisdictione predi-  
cunt, hi causam delegare possunt; non item  
qui delegatam tantum habent, nisi sint dele-  
gati Principis.

Nunc ponuntur assertiones: Prima. Qui  
ordinariam iurisdictionem cum administra-  
tione, id est que imperium aliquod habent, vt  
Episcopus, Vicarius generalis, & Praelati o-  
mnes Ecclesiastici, in integrum restituere  
possunt. Ratio est, quia exercent officium  
nobile, sicuti explicauit lib. 1. tr. 4. c. 5. n. 8.

Secunda. Delegati ad uniuersitatem cau-  
sarum, si cum administracione iurium in ter-  
ritorio aliquo positi sint, causam restitutio-  
nis in integrum tractare possunt: quia ordi-  
narijs aequiparantur. Ita docet Bartolus in  
cit. l. vlt. n. 4. Abb. h. c. n. 7.